



UNIVERSITÄTS-
BIBLIOTHEK
PADERBORN

Universitätsbibliothek Paderborn

L. Annæi Senecæ Philosophi Opera, Qvæ Exstant Omnia

Seneca, Lucius Annaeus <Philosophus>

Antverpiæ, 1605

Epist. III.

[urn:nbn:de:hbz:466:1-53700](#)

A scit planta quæ sape transfertur. nihil tam utile est, quod in transitu profit. ⁴ Distrahit animum librorum multitudo. Itaque cum legere non possis quantum habueris, sat est habere quantum legas. Sed modo, inquis, hunc librum euoluere volo, modo illum. Faſtidentis stomachi est, multa degustare: quæ vbi varia sunt & diuerſa, inquinant, non alunt. Probatos itaque semper lege: & si quando ad alios ⁵ diuenter libuerit, ad priores redi. Aliquid quotidie aduersus paupertatem, aliquid aduersus mortem auxilij compara, nec minus aduersus ceteras pestes. Et cum multa percurreris, vnum exerce, quod illo die ⁶ concoquas. Hoc ipse quoque facio: ex pluribus quæ lego, aliquid apprehendo. Hodiernum hoc est, quod apud Epicurum nactus sum. soleo enim & in aliena castra transire, non tamquam transfuga, sed tamquam explorator. *Honestia*, inquit, *res est, lata paupertas*. Illa vero non est paupertas, si lata est. Cui enim cum paupertate bene conuenit, diues est. Non qui parum habet, sed qui plus cupit, pauper est. Quid enim refert, quantum illi in arcâ, quantum in horreis iaceat, quantum pascat, aut fœneret, si alieno imminet, si non acquisita, sed acquirenda computat? *Quis sit diuitiarum modus, quæris?* Primus, habere ⁷ quod necesse est; proximus, ⁸ quod sat est.

EPIST. III.

M A L E & temerè sape Amicos dici, qui re non sunt. *Siquis talis, omnia illi fidendum, & communicandum esse, tamquam alteris nobis. Timidi & subducti arguuntur, sed & credulini, atque aperti. Medium optimum.*

E P I S T O L A S ad me perferendas tradidisti, ut scribis, amico tuo. Deinde admones me, ne omnia cum eo ad te pertinentia communicem, quia nec soleas ipse quidem hoc facere. Ita eadem epistolâ illum & dixisti amicum, & negasti. Itaque sic priorre illo verbo ¹ quasi publico vsus es, & sic illum amicum vocasti, quomodo omnes candidatos, ² bonos viros dicimus; quomodo obuios, si nomen non succurrit, ³ dominos salutamus. ⁴ Hoc abierit. Sed si aliquem amicum existimas, cui non tantu[m]dem credis quantum tibi, vehementer erras, & non satis nosti vim vere amicitia. Tu vero omnia cum amico delibera, sed ⁵ de ipso prius. Post amicitiam credendum est, ante amicitiam indicandum. Iti vero præpostere officia permiscent, qui contra præcepta ⁶ Theophrasti, cum amauerint, iudicant; & non amant, cum iudicauerint. Diu cogita, an tibi in amicitiam aliquis recipiendus sit: cum placuerit fieri, toto illum pectore admitte:

⁷ tam

4. DISTRAHIT ANIMVM.] *Quidam mei, Distingit librorum multitudo: fortasse verè. Ide est, distinet & ligat.*

5. DIVERTERE.] *Alias, tranfire.*

6. CONCOQ V A S.] *Bene, ut heret in re cibi. sed libri serè, excoquas: unde ego, excolas, vellem.*

7. QVOD NECESSE EST.] *Quod natura requirit: & ut vivere possem.*

8. QVOD SAT EST.] *Quod humanitas requirit, & ut commodè vivere possem. Lucilius in hac re arguit:*

Nam si, quod satis est homini, id satis esse potuisse,

Hoc sat erat: nunc cum hoc non est, qui credimus porro

Diuitias vilas animum mihi explere potuisse?

Cui quod satis est, satis non est, nihil ei satis erit.

EPIST. III. 1. QVASI P V B L I C O.] *Sensu & more vulgi. de quo & Plutarchus, 1 v. Quæst. Coniuial. initio. Amicum accipere hic oportet non strictum & Sophisticè, illum immutabilem*

& firmum, sed communī modo, Beniuolum.

2. BONOS VIROS.] *Mos fuit, ut qui in Senatu (vbi sub Principibus suffragia) candidatum produceret, Bonum vel Optimum virum diceret. Vestigium eius in Plini Panegyrico: Faciebas ergo, cum dices Optimos. Nos odorati sumus, atque ibi notauiimus: vide.*

3. DOMINOS.] *Martialis: Cùm te non nossem, Dominum regemque vocabam.*

4. HOC ABIERIT.] *Absunt ea duo verba optimo meo, & quibusdam libris. Si retines, valent. hoc missum fecerim, ne acius inquiram aut carpam. Alij legunt, Hac ciā & modo excusat.*

5. DE IPSO.] *Sidonius: Est enim consuetudinis meæ, ut eligam ante, post diligam.*

6. THEOPHRASTI.] *Plutarchus, De fraterno amore: Θεόφραστος, ἐλεύθερος φίλος τα δεινά, αλλαχει φίλωντα φίλοι: Theophrastus dixit, non amantem iudicare; sed cum iudicaueris, amare oportere. Sic & Sidonius: Namque ut sodalis tibi deuinctor fierem, iudicauit.*

k 3

7. T A M

⁷ tam audacter cum illo loquere, quām tecum. Tu quidem ita viue, vt ⁸ nihil committas, nisi quod committere etiam inimico possis: sed quia interueniunt quædam, quæ consuetudo fecit arcana, cum amico omnes curas, omnes cogitationes tuas misce. ⁹ Fidelēm si putaueris, facies. Nam multi fallere docuerunt, dum timent falli: & alii ius pccandi suspicando fecerunt. Quid est ergo, quare illa verba coram amico retraham? quid est, quare me coram illo non p̄tem solum? Quidam quæ tantū amicis committenda sunt, obuiis narrant, & in qualibet aures, quidquid illos vrit, exonerant: quidam rursus etiam carissimorum conscientiam reformidant, &, si possent, ne sibi quidem credituri, interius premunt omne secretum. Neutrum faciendum est. utrumque enim vitium est, & ¹⁰ omnibus credere, & nulli: sed alterum honestius dixerim vitium, alterum tutius. Sic utrosque reprehendas, & eos qui semper inquieti sunt, & eos qui semper quietescunt. Nam illa tumultu gaudens, non est industria, sed exagitatæ mentis concursatio: & hæc non est quies, quæ motum omnem molestiam iudicat, sed dissolutio & languor. Itaque hoc quod apud ¹¹ Pomponium legi, animo tuo mandabitur. *Quidam adeo in latebras refugerunt, vt putent in turbido esse quidquid in luce est.* Inter se ista miscenda sunt, & quiescenti agendum, & agenti quiescendum est. Cum rerum naturā delibera, illa dicit tibi, se & diem fecisse & noctem.

E P I S T . I I I I .

H O R T A T V R ad perseverandum in Philosophia: à quā in seruum & grauem, ac verè virum transscribatur. Ceteros, pueros esse: timere non timenda. ut Mortem in primis. Atqui hanc finem malorum esse, & impetu aut desperatione multos contemptisse: cur non ratione? Vitam ergo non amandam, & cottida cogitandum, quām ex variis leuiusque caussis mors veniat. Emblema dein ex Epicuro, de veris Diuitiis.

P E R S E V E R A vt cœpisti, & quantum potes propera: quò diutius frui emendato C animo & composito possis. Fueris quidem etiam dum emendas, etiam dum componis: alia tamen illa voluptas est, quæ percipitur ex contemplatione mentis ab omni labore puræ & splendidæ. Tenes vtique memoriam, quantum senseris gaudium, cum ¹ prætexta posita, sumpsisti virilem togam, & ² in forum deductus es: maius exspecta, cum puerilem animum deposueris, & te ³ in viros philosophia transcripsit. Adhuc enim non pueritia in nobis, sed, quod est grauissimum, puerilitas remanet: & hoc quidem peius est, quod auctoritatem habemus senum, virtutem puerorum: nec puerorum tantum, sed infantium. Illi lenia, hi falsa formidant: nos utraque. ⁴ Profice modò, & intelliges, quædam

7. T A M A U D A C T E R .] Hoc negant isti à ciuili prudentiâ, ut Publius: Ita crede amico, ne sit inimico locus. *Vt Sophocles:*

——— ἐς τὸν φίλον
Τοσαῦτ' ὑπεργῶν ὁ φιλέν βαλίσσωμαι,
Ως αὐτὸς μέροντα τοῦς πολλοὺς οἰδη
Βερῆς ἀπειόντες ἔτεράς λιμενί:

——— amico ego velim
Sic credere atque commodare, ut neutiquam Semper futuro. nam profecto plurimis Sodalitatis portus inuidus fuit.

8. N I H I L C O M M I T T A S .] Libri omnes in istâ voce, nihil tibi committas. *Conicio fuisse, nihil tibi conscientias.*

9. F I D E L E M .] *Liuus:* Vult sibi quisque credi, & habita fides ipsam obligat fidem. Plutarchus, *Preceptis coniubialibus:* ποιεῖ γὰρ τὸ πειθών δοξεῖν πεισθεῖσαι, καὶ τὸ φιλέν φιλέσθαι: Fit enim ut si fidas, fides tibi redhabeatur; & amerere, si ames.

10. O M N I B U S C R E D E R E .] *Hestiodum est:* Πίστης δὲ οὐκέτι οὐδὲ πιστίς οὐδὲ πίστας: Ipso fides homines, & diffidentia perdit. nempe, cum sine modo. *Temperande sunt.*

11. P O M P O N I V M .] *Poëtam Tragicum hoc nomine scio, sed & alios. At ista non olen poëtam: estq. in D meo libro opt. Pompeium philosophum.*

E P I S T . I I I I . P R A E T E X T A .] Quæ puerorum scilicet, ad annum pubertatis aut circa.

2. I N F O R V M .] *Tirocinij die, quo parentes & amici solenniter eò deducebant, auspicij causa, & velut ad res nunc aptum.*

3. I N V I R O S .] *Diogenes Cynicus, præcone in Olympiis proclamante, Dioxisppus viros vicit: Imo ille mancipia, inquit, ego viros. Laerius. Ego aliquid Manud. II. Diff.*

4. P V E R I L I T A S .] *Tale De confit. sap. cap. XI.*

5. P R O F I C E M O D O .] *In sapientia studio, & rerum dilectu. At alijs, prospice: nec id male. Intende aciem, & longius vide.*

6. M E T U S